

Muat turun al-Quran online

Soaljawab agama

Bersama DR. MOHAMMAD NIDZAM ABDUL KADIR AL-JARUMI

Pensyarah di Fakulti Ekologi Manusia, Universiti Putra Malaysia dan pendakwah bebas. Kemasukan boleh diajukan ke nidum@yahoo.com

APA hukum memuat turun bacaan surah al-Quran dari Internet. Adakah dikhira merompak hak orang Islam?

JIKA muat turun itu dibenarkan maka tidak mengapa namun jika sebaliknya, ia tidak harus. Oleh itu, sewajarnya kita memastikan terlebih dahulu sama ada dibenarkan atau tidak sebelum melakukan sesuatu.

Sebagai contoh, terdapat satu pihak membeli satu set cakera padat (CD) al-Quran kemudian memuat naik dalam Internet,

lalu pelbagai pihak memuat turun tanpa sebarang bayaran. Ini merugikan pihak yang menghasilkan CD itu kerana mereka tidak mendapat apa-apa bayaran hasil penat lelah mereka.

Isu yang sama berlaku kepada penerbitan buku. Dalam halaman awal buku, sudah dinyatakan bahawa tidak dibenarkan melakukan salinan, namun wujud pelbagai pihak yang membuat salinan walaupun tidak diizinkan.

Jika sekadar menyalin dua halaman sedangkan buku itu tebalnya dua ratus halaman, maka tidak mengapa.



Hukum menghidangkan arak

ADAKAH berdosa jika individu Muslim menghidangkan arak kepada pelanggan bukan Muslim?

ADA beberapa golongan yang dimurka Allah berkaitan dengan arak. Antaranya pembuat arak, pembeli arak, peminum arak dan tukang hidang. Maka adalah berdosa bagi seseorang Muslim menghidangkan arak walaupun kepada pelanggan bukan Muslim.

Kadangkala pekerjaan itu adalah halal, namun ada elemen yang haram. Contohnya pekerjaan sebagai pramugara. Ia adalah kerjaya yang harus dan halal, namun begitu wujud elemen yang tidak menepati

syariah iaitu keperluan untuk menghidangkan arak dalam kabin pesawat. Ini adalah berdosa.

Justeru, menjadi harapan agar elemen tidak patuh syariah ini

dibersihkan. Pihak pengurusan juga bertanggungjawab dalam isu sebegini. Arak bukan minuman yang baik dan tidak sewajarnya menjadi minuman terbuka.

Jamuan bercampur arak

APAKAH hukum menghadiri jemputan rumah terbuka yang menghidangkan arak walaupun menggunakan khidmat katering Muslim dan halal?

TUJUAN kehadiran adalah bagi mengeratkan hubungan antara jiran, rakan pejabat dan sebagainya. Ia adalah dengan niat dan tujuan yang baik. Pada masa yang sama, kita juga bimbang dengan kewujudan arak dalam majlis tersebut.

Dalam riwayat hadis, Nabi SAW menyatakan bahawa tidak

Tiada sebab tangguh perkahwinan

SAYA kematian ibu mentua pada pertengahan Februari. Tidak lama kemudian, kakak ipar pula meninggal dunia. Pada cuti sekolah Mac nanti, anak saya akan berkahwin. Ada pandangan masyarakat menyatakan tidak elok mengadakan kenduri perkahwinan sebelum sampai 40 hari kematian ahli keluarga terdekat. Adakah kenduri ini perlu ditangguhkan?

PERKAHWINAN adalah amalan yang baik dan mulia. Tiada dalam nas syarak bahawa perkahwinan perlu ditangguhkan jika kematian belum sampai 40 hari. Ini kerana tiada idah dalam keadaan begini.

Majlis pernikahan wajar diteruskan secara sederhana. Juga dapat diadakan sedikit tahlil arwah untuk berdoa kepada Allah agar ahli keluarga yang meninggal dunia diampunkan segala dosa mereka.



halal atau tidak harus bagi Muslim untuk berada dalam meja yang diedarkan arak. Dalam hal ini, kita tidak mampu menghalang arak daripada diedarkan kerana ini adalah majlis masyarakat bukan Muslim.

Maka mereka mempunyai kebebasan untuk menghidangkan arak. Namun mereka tetap menghormati

tetamu Muslim dengan menyediakan katering masakan halal.

Dalam hal ini, jika tiada keperluan untuk hadir maka tidak mengapa untuk tidak hadir. Jika perlu hadir maka jauhkan diri daripada arak.

Apabila urusan selesai maka kita sewajarnya meninggalkan majlis dengan kadar segera.